

ՎԻՃԱԿԱԳՐՈՒԹՅՈՒՆ

ՂԱՏԱՎՈՐՆԵՐԻ ԿԱՐԳԱՊԱՅԱԿԱՆ ՊԱՏԱՍԽԱՆԱՏՎՈՒԹՅԱՆ ՄԱՍԻՆ

Կարգապահական վարույթ

1. ՀՀ արդարադատության խորհրդի կարգապահական հանձնաժողով, սկսած՝ 25.07.2014թ.-ից ՀՀ դատավորների ընդհանուր ժողովի Էթիկայի և կարգապահական հարցերի հանձնաժողով:

2014 թվականի ընթացքում ՀՀ դատավորների ընդհանուր ժողովի Էթիկայի և կարգապահական հարցերի հանձնաժողովի կողմից հարուցվել է թվով 3 կարգապահական վարույթ, որոնցից թվով 2-ը՝ դատավարական նորմի ակնհայտ և կոպիտ խախտում թույլ տալու հիմքով, իսկ թվով 1-ը՝ վարքագծի կանոնների կոպիտ խախտում թույլ տալու հիմքով: Հարուցված կարգապահական վարույթներից թվով 1-ը կարճվել է վարույթ հարուցողի կողմից: Հարկ է նկատել, որ մինչև 'ՀՀ դատական օրենսգրքում փոփոխություններ և լրացումներ կատարելու մասին' 10.06.2014թ. ՀՕ-47-Ն օրենքի ուժի մեջ մտնելը (03.07.2014թ.) գործում էր ՀՀ արդարադատության խորհրդի կարգապահական հանձնաժողովը, որը հաշվետու ժամանակահատվածում դատավորների նկատմամբ կարգապահական վարույթ չի հարուցել:

2013 թվականի ընթացքում ՀՀ արդարադատության խորհրդի կարգապահական հանձնաժողովի կողմից հարուցվել է թվով 5 կարգապահական վարույթ, որոնցից թվով 2-ը՝ դատավարական նորմի ակնհայտ և կոպիտ խախտում թույլ տալու հիմքով, թվով 1-ը՝ վարքագծի կանոնների կոպիտ խախտում թույլ տալու հիմքով, թվով 2-ը՝ դատավարական նորմի ակնհայտ և կոպիտ խախտում և վարքագծի կանոնների կոպիտ խախտում թույլ տալու հիմքերով:

2. ՀՀ արդարադատության նախարար

2014 թվականի ընթացքում ՀՀ արդարադատության նախարարի կողմից հարուցվել է թվով 6 կարգապահական վարույթ՝ նյութական և դատավարական նորմերի ակնհայտ և կոպիտ խախտումներ թույլ տալու հիմքերով: Հարուցված կարգապահական վարույթներից թվով 1-ը կարճվել է վարույթ հարուցողի կողմից:

2013 թվականի ընթացքում ՀՀ արդարադատության նախարարի կողմից հարուցվել է թվով 3 կարգապահական վարույթ, որոնցից թվով 1-ը՝ դատավարական նորմի ակնհայտ և կոպիտ խախտում թույլ տալու հիմքով, թվով 2-ը՝ նյութական և դատավարական նորմերի ակնհայտ և կոպիտ խախտումներ թույլ տալու հիմքերով: Հարուցված կարգապահական վարույթներից թվով 2-ը կարճվել են վարույթ հարուցողի կողմից:

ՀՀ ԱՐԴԱՐԱԴԱՏՈՒԹՅԱՆ ԽՈՐՀՈՒՐԴ

2014 թվականի ընթացքում ՀՀ արդարադատության խորհուրդը քննել է դատավորին կարգապահական պատասխանատվության ենթարկելու մասին թվով 5 միջնորդու-թյուն՝ բերված ՀՀ արդարադատության նախարարի կողմից: Արդյունքում՝ թվով 3 դատավորի հայտարարվել է նախազգուշացում, իսկ թվով 2 կարգապահական գործ կարճվել է: Նշված ժամանակահատվածում կարգապահական պատասխանատվության կրկնակիության դեպքեր չեն արձանագրվել:

2013 թվականի ընթացքում ՀՀ արդարադատության խորհուրդը քննել է դատավորին

կարգապահա-կան պատասխանատվության ենթարկելու մասին թվով 14 միջնորդու-թյուն, որոնցից թվով 12-ը բերվել են ՀՀ արդարադատության խորհրդի կարգապահական հանձնաժողովի կողմից նշված միջնորդություններից թվով 7-ի հիմքում ընկած կարգապահական վարույթները հարուցվել են 2012 թվականին), իսկ թվով 2-ը` ՀՀ արդարադատության նախարարի (նշված միջնորդություններից թվով 1-ի հիմքում ընկած կարգապահական վարույթը հարուցվել է 2012 թվականին): Արդյունքում` թվով 5 դատավորի հայտարարվել է նախազուշացում, թվով 6 դատավորի` նկատողություն, թվով 1 դատավորի` խիստ նկատողություն և մեկ դեպքում Խորհուրդը որոշմամբ դիմել է ՀՀ Նախագահին` դատավորի լիազորությունները դադարեցնելու միջնորդությամբ: Բացի այդ, թվով 3 կարգապահական գործ, որոնց հիմքում ընկած են եղել ՀՀ արդարադատության խորհրդի կարգապահական հանձնաժողովի կողմից հարուցված կարգապահական վարույթները, կարճվել են:

Նշված ժամանակահատվածում կարգապահական պատասխանատվության կրկնակիության դեպքեր չեն արձանագրվել: